

CYNGOR CYMUNED CRYMYCH - CRYMYCH COMMUNITY COUNCIL

Clerc - Bethan Williams, Henllan Owen, Eglwysrwr, Crymych, SA41 3UP
cyngorcymunedcrymych@gmail.com Ffôn/Tel 01239 891403

Cofnodion cyfarfod Cyngor Cymuned Crymych 02/04/2021

Eitem	Prif Bwyntiau Trafod	Pwyntiau Gweithredu
1. Croeso ac Ymddiheuriadau	Croesawyd pawb i'r cyfarfod gan y Cadeirydd - Cris Tomos. Yn bresennol Cynghorwyr: Hywel Lewis, Bill Davies, Cris Tomos, Dylan Sandbrook, Roger Howells, Keith Davies, Clerc: Bethan Williams Ymddiheuriadau: Derrick Rees, Iwan Evans, Eirlys Twigg	
2. Cofnodion cyfarfod y 4ydd o Fawrth	Cynigiodd Hywel Lewis eu bod yn gywir, eiliodd Bill Davies ac fe'u derbyniwyd fel cofnod cywir.	
3. Materion yn Codi o'r Cofnodion	Arhosfa Bws - Bydd yr arhosfa wedi ei glirio erbyn i'r plant fynd nol i'r ysgol Hysbysfwrdd yn Llanfyrnach - Mae hen ffenest mewn cyflwr da ar gael gan Gwelliant Preseli, rydyn ni'n disgwyl pris ganddyn nhw am roi cefn arno. Parc Crymych - Does dim ymateb gan Prosiect Crymych am les y parc yng Nghrymych. Tyre Swing Hermon - Mae hwn wedi ei drwsio. Caniatáu i'r Clerc wneud taliadau - Mae angen mynd ati i wneud hyn	Cris Tomos a Bethan Williams i ddilyn lan. Cris Tomos a Bethan Williams i drefnu.
4. Gohebiaeth	Mae PLANED yn cynnal arolwg am wasanaethau iechyd a gofal yn yr ardal. Mae digwyddiad ar-lein i drafod ymhellach ar y 7fed o Ebrill am 2pm (https://www.eventbrite.co.uk/e/148321009131) a'r arolwg ei hun i'w weld yma: https://www.surveymonkey.co.uk/r/M5RZDZG.	
5. Aelodaeth Un Llais Cymru	Roedd pawb o blaid ail-ymaelodi felly cytunwyd i dalu'r £300 o ffi aelodaeth.	Bethan i ddychwelyd y ffurflen ymaelodi

6. Cynllunio	Station House, Llanfyrnach: 20/1042/PA Mae cais i dynnu hen dŷ i lawr ac adeiladu tŷ newydd ar yr un safle yn Llanfyrnach: tinyurl.com/veeh3kdn. Nodwyd nad oes modd byw yn y tŷ fel ag y mae felly byddai codi tŷ newydd yn gwella'r ardal. Mae bwriad i symud y junction hefyd, byddai hynny'n gwneud y rhewl yn fwy diogel. Does dim gwrthwynebiad.	
7. Cyllid	- Roedd £11817.20 yn y banc ddiwedd mis Mawrth. - Dydy'r arian rhent am dir ger y dymp heb ei dalu i ni eto, mae angen holi a oes rhaid i ni anfonebu amdano.	Cris Tomos i gysylltu ag Adran Refeniw y Cyngor
8. Unrhyw Fater Arall	Dymp Hermon - Mae'n rhaid i'r Cyngor wneud arbedion dros y flwyddyn ariannol i ddod a gan mai dim ond 35% o slots y dymp sy'n cael eu cymeryd ar hyn o bryd mae'r Cyngor yn ystyried lleihau'r oriau agor. - Nodwyd petai unrhyw debygrwydd neu gynnig i'r dymp gau yn llwyr y byddai'r Cyngor Cymuned yn gwrthwynebu. A byddai modd holi am grantiau gan y Cyngor neu drwy'r Economi Gylch, a defnyddio'r safle ar gyfer uwch-gylchu neu ryw beth tebyg. Maes Meigan - Mae'r Dŵr Cymru wedi gorfod codi'r tarmac chwe gwaith ers gosod y tarmac newydd er mwyn trwsio peipen felly mae'r cyflenwad dŵr wedi ei droi i bant yn aml. - Mae cais wedi mynd i Dŵr Cymru fod peipen newydd yn cael ei gosod er mwyn peidio gorfod ail-godi'r rhewl yn aml. Sbwriel - Mae 14 'litter-picker' gan y Cyngor Cymuned, 2 ar gyfer pob pentre yn y ward. - Bydd angen rhywun i fod yn gyfrifol am y 'litter-pickers' ym mhob pentre ac am roi'r sbwriel sydd wedi ei gasglu mas ar gyfer y lori sbwriel. Mae casgliad wythnosol ar gyfer hyn. - Nodwyd hefyd bod mwy sbwriel yn dal i gael ei golli gan y lori sbwriel - mae hyn wedi ei godi o'r blaen ond yn dal i fod yn broblem felly mae angen ei godi eto.	Cris Tomos i gysylltu gyda'r cyngor
9. Dyddiad a lleoliad y cyfarfod nesaf	- Y 13eg o Fai am 7pm (mae hwn wedi ei fwrw ymlaen wythnos gan fod Etholiad Cyffredinol yr wythnos gynt). - Dyma fydd Cyfarfod Cyffredinol Blyneddol y Cyngor Cymuned.	